



Landssamband sjálfstæðisverkamanna: 1. Þing, stofnþing. Stofnskrá, ódagsett

Bjarni Benediktsson – Stjórnmal – Landssamband sjálfstæðisverkamanna – Stéttarfélag – Stofnþing

Tekið af vef Borgarskjalasafnsins

bjarnibenediktsson.is

Einkaskjalasafn nr. 360
Stjórnmalamaðurinn
Askja 2-1, Örk 3

©Borgarskjalasafn Reykjavíkur

1. þing, stofnþing

Landssamband sjálfstæðisverkamanna

telur eftirfarandi megin úrlausnarefni til útrýmingar hinu stöðugt vaxandi atvinnuleysi, bjargarskortri og fátækraframfæri fullkomlega starfhæfs fólks.

- I. a. Að allir unglingar á aldrinum 15-18 ára (a.b.á.m.t.) verði teknir út af hinum almenna frjálsa vinnumarkaði og þeim komið í almenna þegnskylduvinnu, þar sem þeir njóti beztu aðbúnaðar góðs uppeldis og fræðslu.
- b. Að þeir að þegnskylduvinnunni lokinni fái þóknun hver einstakur eftir dagnaði og ástundunarsemi við starf og nám.
- c. Að með löggjöf verði tryggt að þessi þóknun verði af mót-takanda notuð til að byggja undirstöðu að æfistarfi hans.
- II. a. Að allt ræktanlegt, sem liggur innan takmarka bæja, kaupstaða og kauptúna, og ekki útlit fyrir að notað verði sem almennt lóðaland næstu 10-12 ár, eða eru nú þegar nýtt á annan hátt, verði skipt upp 1-2 ha reiti og úthlutað til eignalausra fjölskyldumanna sem erfðafestuland.
- b. Að afnotagjald verði svo lágt sem frekast er unnt.
- c. Að ákveðin upphæð fylgi hverri landspildu sem kúgildi eða hið opinberlega hlutist á annan hátt til um að landið komi móttakanda að fallum notum.
- III. Að ríkissjóður, bæjarsjóðir og sveitasjóðir kaupi bústofn (kúgildi) fyrir hvert nýbýli, sem tekið er til ábúðar eftir áramót 1940-41. Bústofn þessi skal ávalt fylgja býlinu og

endurnýjast af ábúanda.

IV. Að gera nú þegar viðtakar athuganir á íslenzku efni til tryggingar og styðja að byggingum úr því.

Að afnema toll af efni til mótorskipa og bátasmíða og það opinbera, bæir, sveitafélög og ríki hlutist til um að einstaklingar eða félög hefjist þegar handa um smíði opinna vélbáta og endurnýjun stærri báta og skipa, eftir því sem frekast er unt.

Að iðnlöggjöfinni sé breytt þannig, að ekki sé hægt að útiloka menn frá því að lara hverja þá iðngrein sem er. En kjör nemenda verði aftur gerð svo góð, að þeir skapi ekki óhæfa samkeppni við sveinana.

Að það opinbera hlutist til um að fjárslátrun fari ekki fram í þeim landshéruðum, sem enn eru trygg gegn mæðiveikinni og komi þannig í veg fyrir að bústofn landsmanna rýrni til stórra muna.

Að iðnaði landsmanna, sem þarf erlent hráefni, verði tryggt nægilegt efni svo iðnaðar framleiðslan þurfi ekki að stöðvast þeirra orsaka vegna.

Að iðnaðurinn fái rekstrarlán með hagkvæmum kjörum.

Að ríkið hlutist til um að gerður verði út leiðangur á þessu sumri til Jan Mayen og tekið þar svo mikið af viði sem unt er og vinna mó svo að nothæfur sé til bygginga.

Að hið opinbera hlutist til um að sem flestir vinnuþiggjendur geti fengið hlutdeild í arði þeirra fyrirtækja sem þeir vinna við. Ennfremur að samræmt verði arðskipti fyrirkomu-

lagið við sjávarútveginn og fundið almennt og réttlátt hlutaskipti fyrirkomulag fyrir allt landið.

Að tolla og skattalöggjöfinni verði breytt þannig að hún ýti undir athafnastarf og framtak einstaklinganna.

Að siglingafloti landsmanna verði aukinn svo fljótt sem verða má.